

Script of Morning Gojri News Bulletin 20 December 2024 at 1015Hrs

ما رنینگ گو جری نیو ز بلیٹن مو رخہ 20 دسمبر 2024

یوہ آکا شوانی جموں بے محبوب سلطانی تیں خبر سُنو۔

Security Meeting

وزیر داخلہ امت شاہ نے پچھلے تہاڑے نوی دہلی مانہ لیفٹنٹ گو رنر منوج سنہا تے دیگر سینئر افسراں غی اک اعلیٰ سطحی میٹنگ غی صدارت کرغے حفاظتی صورتحال غو جائزو ليو بے۔ اس میٹنگ مانہ وزیر اعظم نریندر مو دی غو نظریو پُر امن تے خوشحال خطہ غے تحت جموں کشمیر مانہ امن نانہ مزید بہتر بنان تے حفاظتی صورتحال ور لو پائی گئی۔ اس دوران جناب شاہ نے حفاظتی ایجنسیاں غی طرفوں دہشت گردی گا واقعات نانہ کہٹ کرن، دراندازی ور روک لان، تے دہشت گردانا تنظیمیں مانہ مقامی نوجواناں غی پہرتی نانہ کہٹ کرن با رے تعریف وی کی۔ اُنہاں نے یوٹی مانہ دہشت گردانا نظام نانہ ختم کرن بارے پیش رفت نانہ وی اُجاگر کیو۔

CM Meeting

جموں کشمیر غا وزیر اعلیٰ عمر عبداللہ نے پچھلے تہاڑے نوی دہلی مانہ وزیر داخلہ امت شاہ سنگ ملاقات کی بے۔ اس ملاقات غے دوران جموں کشمیر غی موجودہ صورتحال، جموں کشمیر غو ریا ستی درجو بحال کرن تے خطہ غی بہبود غا دوجا معاملوں ور خصوصی گل بات کی گئی۔ اس میٹنگ غو مقصد یوٹی غا ترقیاتی تے حکومتی نظام نانہ متاثر کرن آلا اہم معاملات ور گل بات کرنو تھو۔

Terrorist Identified

جنوبی کشمیر غا ضلع گُلگام غا بھی باغ علاقہ مانہ حفاظتی دستاں تے دہشت گرداں بشکار ٹاکرا مانہ پچھلے روز 5 دہشت گرداں نانہ مار مکایو بے، جد کہ اس دوران فوج غا وی دو جوان زخمی ہوا ہیں۔ ذریعہاں نے دسیو بے جے ماریا گیا دہشت گرداں غو تعلق حزب المجاہدین دہشت گرد تنظیم توں تھو جن مانہ اک کمانڈر

فاروق احمد بھٹ وی شامل ہے۔ برگڈئیر آنیروڈ چوہان تے جنوبی کشمیر غا ڈی آئی جی جا وید احمد مٹو نے اس کاروائی نانہ اک بڑی کامیابی قرار دتو ہے۔ اس دوران حفاظتی دستاں نے ٹاکرا آلی جگہ توں خاصی تعداد مانہ گولی سکو وی برآمد کیو ہے، جن مانہ 5 اے آئی سی 47 رائفل، 2 میگزین تے 2 ہتھ گولہ شامل ہیں۔

Prashan Gaon Ki Ore

مُلک گیر مہم ”پرشاسمن گاؤں کی اور“ تے ”بہتر انتظامیہ ہفتہ“ غے تحت ایس ڈی ایم، تحصیل، بلاک تے نیا بت صدر مقام ور شکایتاں غا ازالہ با رے کیمپاں نانہ 19 توں 23 دسمبر بشکا ر لایا جا رہیا ہیں۔ اس ضمن مانہ راجوری مانہ ڈپٹی کمشنر ابھشیک شرما غی رہنمائی مانہ تمام 17 بلاکاں اندر کیمپاں نانہ منعقد کیو جا رہیو ہے۔ اس شروعات غو مقصد لوکاں غی شکایتاں نانہ جلد حل کرنو تے انتظامی خدمات تے بہبودی غی اسکیمان نانہ زمینی سطح ور نفاذ نانہ یقینی بنانو ہے۔

Minister Tribal Affairs

جنگلات قبائلی امور تے جل شکتی غا وزیر جا وید احمد رانا نے پچھلے تہارے سول سیکریٹریٹ جموں مانہ جموں کشمیر اندر جنگلات غا حقوق با رے قانون غا موثر نفاذ غی اہمیت ور زور پایو ہے۔ اس میٹنگ غے دوران اُنہاں نے قبائلی برادری غی بہبودی غا معاملن با رے تفصیلی گل بات کی۔ اُنہاں نے یقین دواتاں واں کہیو جے قبائلی لوکاں غا زمین تے جنگلات ور حق نانہ بحال کیو جائے گو۔ جناب جا وید رانا نے افسراں نانہ ہدایت جا ری کرتاں واں کہیو جے لوکاں غی شکایات غو ازالو کریں تے اُن غو مزید کہنو تھو جے نگرہ مانہ تعمیر کیا جا رہیا قبائلی بھون غا کم کاج مانہ مزید تیزی آئی جائے۔ اس میٹنگ غے دوران جناب جاوید رانا نانہ بکھ بکھ سکیمان، محکمہ غی مالی حالت تے دوجی دقتاں با رے جانکا ری فراہم کی گئی۔ اُنہاں نے افسراں نانہ ہدایت جا ری کرتاں واں کہیو جے سانجہ طور ور کم کریں تانجے اس پروجیکٹ نانہ مٹھی وی مدت غے اندر پورو کرن نانہ یقینی بنایو جا سکے۔

DC Rajouri TB

ڈپٹی کمشنر راجو ری ابھشیک شرما نے پچھلے تہاڑے ٹی بی ہسپتال غو دورو کر غے تفصیلی معائینو کیو ہے۔ اُنہاں نے نکشے مترا شروعات جس غو مقصد ٹی بی نانہہ ختم کرنو غے تحت ہو ٹی پیش رفت غو جائزو و ی لیو۔ اس دورہ غے دوران ڈی سی موصوف نے ہسپتال غا عملہ تے تے مریضاں تے مریضاں نال گل بات وی کی، تانجے بہتر صحت دیکھ بھال خدمات فراہم کرن با رے دقتاں با رے جانیو جا سکے۔ اُنہاں نے پروگرام مانہہ سماج غا لوکاں غا حصو لین با رے وی زور پایو تے صحت محکمہ غا افسراں نانہہ ہدایت کی جے وے ٹی بی مریضاں غی ویلے سرمدد نانہہ یقینی بناویں۔ اس تیں بعد ڈی سی موصوف نے جے شری لا ٹبریری غو وی دور کر غے طالب علماں نانہہ تدریسی باہدہ واسطے لا ٹبریری غا استعمال کرن با رے حوصلہ افزائی کی۔

DC Poonch Ration Card

ڈپٹی کمشنر راجو ری وکا س گنڈل نے پچھلے تہاڑے خوراک، سول سپلائی تے صارفین امور با رے محکمہ غی بکھ بکھ سکیمیاں تے راشن کارڈ واسطے کے وائی سی غا عمل ور ہو ٹی پیش رفت غو جائزو لیو۔ اس میٹنگ غی صدارت کرتاں واں ڈی سی موصوف نے بکھ بکھ سکیمیاں غی رپورٹ وی طلب کی تے اس دوران خوراک سول سپلائی تے صارفین امور با رے اسسٹنٹ ڈائریکٹر نے کاروائیاں غو جائزو پیش کیو۔ اس دوران اسسٹنٹ ڈائریکٹر نے جانکاری دیتاں واں دسیو جے ضروری اشیاء تے دوجی چیزاں غا تقسیم بارے مناسب ذخیرہ دستیاب ہے۔

اس غے نال ہی خبراں غو یوہ بلیٹن ختم ہوؤ۔